

Sámi Soster ja Oulu bismagoddi vuolláičállet historjjálaš oktasašbargosoahpamuša sámi álbmotbeaivve

Sámi Soster ja Oulu bismagoddi vuolláičállet sámi álbmotbeaivve soahpamuša, mii nanne sin ovttasbarggu erenoamažit geavatlaš dásis. Sámi Soster -searvvi ságadoalli Ristenrauna Magga govvida soahpamuša historjjálažžan. Vuolláičállin dáhpáhuvvá Anára sámegirkks bearjadaga 6.2.2015 diibmu 15.00 álgi bismameassu maŋŋá.



Dáthan

lea erenoamaš, ahte dákkár unna searvi bargá ovttasbargosoahpamuša Suoma stáhta girkuin, dadjá Sámi Soster -searvvi ságadoalli Ristenrauna Magga. Govva: Anneli Lappalainen / Yle

Sámi Soster ja Oulu bismagoddi vuolláičállet historjjálaš oktasašbargosoahpamuša.

Suoma evaŋgelaš-luteralaš girku Oulu bismagotti duopmokapihttal ja sámiid sosiála- ja dearvvasvuodasuorggi searvi SámiSoster ro vuolláičállet oktasašbargosoahpamuša Sámi álbmotbeaivve 6.2.2015 Anára sámegirkkus diibmu 15.00 álgibismameassu maŋŋá.

Soahpamuš čiekŋuda ja stádasmahtá oktasašbarggu geavatlaš áššiin

Sámi Soster -searvvi ságadoalli Ristenrauna Magga illuda soahpamušas.

– Mishan lea leamaš ovttasbargu jo mánggaid, mággaid jagiid jagi ja searvegottiiguin maid. Muhto dán ovttasbargosoahpamuša ulbmilin lea dieđusge, ahte mii nannet dan ovttasbarggu. Mis lea plánejuvvon, guhkit áigge plána konkrehtalaš ovttasbarggu várás ja dasa mearkkaša dát soahpamuš olu.

– Dálhan dat lea leamaš nu, ahte mii leat ain soahpan, go bohtá miinu dáhpáhusaid dahje ovttasbargodárbbuid, nu mii leat jearahallan ja heivehallan dan, muhto dát soahpamuš nanne dan ovttasbarggu áibbas lunddolaš oassin min doaimma, Magga muitala.

"Erenoamaš ahte dákkár unna searvi bargá ovttasbargosoahpamuša Suoma stáhta girkuin"

Soahpamuš lea rápmasoahpamuš.

Konkrehta oktasašbarggus šiehtto oassebeliid gaskasaš jahkásaš ráđđádallamiin.

– Dáthan lea erenoamaš, ahte dákkár unna searvi bargá ovttasbargosoahpamuša Suoma stáhta girkuin. Ii leat áibbas dábálaš ášši datge, muhto mii gal váldit dán erenoamaš čavlaivuodain ja gudnin, ahte mii leat ožžon dákkár ovttasbargoguoimmi ja ahte sii váldet min duodalaš guoibmin.

"Girkku árvvuid vuodul lea dehalaš, ahte juohke olmmoš váldojuvvo iežas eatnigielain"

Oulu bismagottis lea mearkkašahtti sadi sámiid buorrin dahkkon girkolaš barggus, mii bohtá ovdan earet eará das, ahte sámebarggu čállu doaibmabáiki lea Oulu bismagotti kapihttala oktavuodas.

– Eavngelaš-luteralaš girkku vuodđobarggu ja árvvuid vuodul lea dehalaš, ahte juohke olmmoš váldojuvvo vuostá ja bálvaluvvo su iežas eatnigielain, dadjá sámebarggu čállu Erva Niittyvuopio.

Lassin girkoráđđehus ásahii jagi 2013 álggus sámebarggu čállu veahkkin sierra váldegottálaš sámebarggu ráđđádallangotti.

Yle Sápmi 6.2.2015